



NATIVITY MESSAGE OF HIS BEATITUDE METROPOLITAN TIKHON 2023

25 dhjetor 2023
Protokolli 12/004

Për klerikët, murgjit-murgeshat dhe besimtarët e Kishës Orthodhokse në Amerikë, fëmijët e mi të dashur më Zotin,

Krishti ka lindur! Lavdërojeni atë!

Në vigiljen e festës së sotme, ne kënduam me fjalët e Shën Gjermanit të Kostandinopojës: “Sot Virgjëresha lind Krijuesin e të gjithave. Edeni ofron një shpellë dhe një yll zbulon Krishtin, Diellin, atyre që janë në errësirë” (sticheroni i dytë në aposticha).



Në një paradoks suprem, bota e krijuar sot i ofron strehë atij që përmban të gjitha gjërat në pëllëmbën e dorës së tij. Duke ardhur mes nesh në errësirë, "i lindur nga një grua, i lindur sipas ligjit" (Gal. 4:4), në formën e një foshnjeje të vogël, "në formën e një shërbëtori" (Filip. 2:7), e fshehur në një shpellë të errët, megjithatë ai ndriçon dritën e tij mbi errësirën tonë.

Duke u bërë i vogël, ai na lejon të prekim madhësitinë e tij. Duke u veshur me dobësinë tonë, ai na e lejon të prehemi në forcën e tij. Duke përqaftuar errësirën, ai sjell ndriçimin në skajet e tokës. Me shërbimin e tij si një shërbëtor, ai e tregon dashurinë e tij si Zoti ynë, Perëndia ynë dhe Mbreti ynë.

Në ditët tona të sotme, ndërsa trishtimi zbehet dhe errësira mbyllet, ndërsa "luftërat dhe thashethemet e luftërave" janë të bollshme (Mt. 24:6), ikona e Lindjes - Përjetësia e shtrirë si një foshnjë në një krevat fëmijësh, Shpëtimi në formën e një fëmije të porsalindur, Shëlbimi në dobësinë e mishit të foshnjës - është po aq në kohën e duhur si kurrë më parë. Ashtu si një himnist Amerikan shkroi mbi një shekull e gjysëm më parë, në rrugët e errëta të Betlehemit, "shpresat dhe frikërat e të gjithë viteve" takohen së bashku natën e lindjes së Shpëtimtarit. Nëse kërkojmë një përgjigje, një zgjidhje, për pyetjet e epokës sonë dhe të çdo epoke, kjo Përgjigje, vetë Fjala e Atit, mund të gjendet

P.O. Box 31409, Alexandria, VA 22310-9998
516-922-0550 - metropolitan@oca.org - www.oca.org

në një grazhd, duke fjetur, por me zemrën e tij zgjuar (Kantiku 5:2); duke pushuar në trupin e tij të vogël njerëzor, por në vepër si Perëndi (Gjn. 5:17).

Një herë të diturit u nisën për të udhëtuar, jo për të takuar Herodin në oborrin e tij të madhështisë, as për të kërkuar Cezarin në Fronin e tij romak, por për të gjetur një fëmijë në krahët e nënës së tij. Po kështu, ne nuk kërkojmë paqe, shpëtim dhe gëzim nga dora dhe veprat e "princave dhe bijve të njerëzve" (Ps. 145:3), por nga Zoti që na shfaqet në heshtje, duke na treguar rrugën e përlësisë, qetësisë, faljes, butësisë dhe mëshirës.

Sot, ndërsa bashkohemi me Josifin e drejtë, magët dhe barinj të në adhurimin e Zotit në Mishërimin e tij, i fronëzuar në prehrin e Nënës së tij, ne e vendosim besimin tonë në kujdesin e tij, providencën e tij, drejtësinë e tij, të cilat tejkalojnë çdo kuptim njerëzor. Duke lënë mënjanë drejtësinë tonë, ne pendohemi dhe përqafojmë paqen dhe heshtjen e grazhdit. Duke lënë mënjanë shqetësimet e mëdha dhe shpërqendruese të botës, ne kujdesemi për bujarinë dhe durimin ndaj vëllezërve dhe fqinjëve tanë.

Siç shkruan Shën Porfir Kavsokaliviti, "Vetëm lutja, heshtja dhe dashuria janë të efektshme". Duke pushuar në lutje dhe në heshtje, nëpërmjet besës dhe besimit ne ndeshemi me dashurinë e atij që u bë mish për hirin tonë, në të cilin pushon çdo konflikt dhe betejë, Paqja dhe Fuqia e Zotit, vijnë të mbretërojnë në zemrat tona nëpërmjet Mishërimit të tij. Le ta pranojmë gjithmonë atë dashuri me pendim, përlësi dhe mirënjohje dhe ta ndajmë me gëzim me të tjerët, këtë ditë dhe çdo ditë.

Qoftë gjithë lavdia, Krishtit Perëndisë dhe Shpëtimtarit tonë, të lindur në këtë ditë Krishtlindjesh, së bashku me Atin e tij që është pa fillim dhe Shpirtin e tij të Shenjtë, në jetë të jetëve. Amin.

Krishti ka lindur! Lavdërojeni atë!

Unë mbetem si gjithmonë,

Sinqerisht tuaji në gëzimin e Zotit tonë të porsalindur, Perëndisë dhe Shpëtimtarit,



+TIKHON

Kryepeshkopi i Uashingtonit

Mitropoliti i Gjithë Amerikës dhe Kanadasë